



江蘇省地方志編纂委員會辦公室 編

江蘇歷代方志全書

64



江蘇省地方志編纂委員會辦公室編



鳳凰出版社

江蘇歷代方志全書

64

蘇州府部

ISBN 978-7-5506-2317-0



圖書在版編目（C I P）數據

江蘇歷代方志全書·蘇州府部 / 江蘇省地方志編纂
委員會辦公室編. -- 南京 : 鳳凰出版社, 2016. 7
ISBN 978-7-5506-2317-0

I. ①江… II. ①江… III. ①江蘇省—地方志 IV.
①K295. 3

中國版本圖書館CIP數據核字(2016)第131080號

書名	江蘇歷代方志全書·蘇州府部
編者	江蘇省地方志編纂委員會辦公室
責任編輯	王劍 王愛榮 吳瓊 顧娟 崔廣洲
裝幀設計	姜嵩
出版發行	鳳凰出版傳媒股份有限公司 鳳凰出版社(原江蘇古籍出版社) 發行部電話025-83223462
出版社地址	南京市中央路165號, 郵編:210009
出版社網址	http://www.fhcbs.com
印刷	揚州文津閣古籍印務有限公司 揚州市開發區鴻揚路22-2號(6幢), 郵編:211153
開本	889×1194毫米 1/16
印張	3253.25
版次	2016年7月第1版 2016年7月第1次印刷
標準書號	ISBN 978-7-5506-2317-0
定價	79200.00圓(全九十九冊) (本書凡印裝錯誤可向承印廠調換, 電話:0514-87969255)

康熙常熟縣志(二)



(清)

章曾印
曾倬纂修

第六十四册目錄

康熙常熟縣志（二）	〇〇一
雍正昭文縣志	一九七
乾隆常昭合志（一）	三五九

常熟縣志卷之五

王 鎮山表

周震生存雷

會稽章曾印宸書甫論定 邑人曾 倬漢瞻全輯

張一桂文漪

汪應銓杜林

寓公

古者諸侯不臣寓公別子始遷以賓禮禮之繼世乃為邑人也

商

太公呂尚避紂居東海之濱今尚父湖在虞山之陽相傳太

常熟縣志

卷之五

公隱釣處

漢

高獲字敬公汝南人與光武有舊帝曰朕欲用子宜改常性對曰臣受性於父母不可改之於陛下辭去遠遁江南隱居石城卒按江南石頭城石梁城之外惟邑有石城里舊志云即獲避處也

晉

瞿劭先生名饒字磻子廣川人晉書隱逸傳瞿劭不得姓名亦不知何許人太和末隱所宣城文春山中有瞿劭因以為名後徙居海虞歿葬東陵武丘寺重崗之原武丘蓋直塘廣安寺舊額也

梁

范冀偕其弟隱居范山山以是得名

宋

錢元孫字亨父武肅十三世孫自台州來徙占宅奚浦雜迹魚樵間乃能因地逐時以牟其利遂大起其家補官承事郎是為邑錢氏之始祖

馬萬字一秀茂陵人為韓世忠幕下參謀檄往鎮海調軍道

經常熟遂徙居焦家橋卒葬石墩

季世良字元善開封人建炎初隨駕南渡家於許浦淳熙中

兄弟六人皆為縣佐

季逢昌字子明以麟邱懿屬為驛官平章魏了翁時制江淮

常熟縣志

卷之五

間委逢昌羅百萬緡舉練達科為桐城令以疾辭歸常熟

立義莊賙貧人仰給者幾千指

陳元大字孔碩侯官人嘉熙初進士教授温州後遊常熟遂家焉講求濂洛諸儒統緒著四書講義學者稱北山先生子后山亦以道學鳴

胡嶧字仲連自婺來徙居塗松澹泊自守言動皆有尺度賓

嘉喪祭悉遵古禮所居五柳園松憲蓬戶父子兄弟終日

講學自號如村老人子百能

林松洲長樂人宋末為廣文愛虞山之勝家焉遂以文章鳴

吳中周材字仲美汝南人祖昂為常熟尉遂家焉嘗為沿江制置

使咸淳乙亥征南帥府檄材與諸武弁分部安撫武弁妄殺材每勸解多破械縱去有仇殺者輒論釋之居鄉以詩酒自娛著宋史畧十六卷吳塘集六卷

元

錢昌宗字通寶元孫四世孫也智畧過人喜任俠至正中盜起江淮所在榛莽昌宗捍衛其鄉教里人演習兵仗守望有期防禦有策賊相戒勿犯其境歲凶一鄉皆仰食焉二子鏞珍鏞為鹿園之祖珍為奚浦之祖今子孫數千丁云趙良濂字順卿祖崇驥以雲安軍使仕吳遂家常熟良濂性至孝父必鑽為海州節推歿值宋末道梗良濂奉母扶柩歸備經險阻元大德間歲飢以米二千石助賑延祐間又

常熟縣志

卷之五

五

四百一十三

飢復助五百石有司上其事都省旌之

季淵字宗淳逢昌之孫大德初授登仕郎博雅好古趙文敏孟頫深加愛敬官至蘄州總管族居文村

顧細二翁顧雍後上虞人也至大間家於奚浦善吟咏精天文地理之學

劉元善汴人元末為仁和令棄官居常熟結廬呂里村其堂曰稼軒

張慶之郡人張士誠入慶之與邑之朱景雲善遂移居祈川王珪字君璋汴人嘗以異材辟辭不起築室虞山註道德經撰泰定養生主論還元與旨山居幽興集善鼓琴又工畫趙孟頫器重之號中陽老人

徐德賢字孟明漁梁人博學通春秋三禮元末客吳力行喪

禮俗多化焉張士誠欲見之不往所交多名士有靜菴集

鄭東字秀明號臬齋平陽人元末與弟采避居常熟采字秀

亮號曲全兄弟並有高稟肆力於文詞東子思本思先思

宗並有文行

陳基字敬初臨海人初從黃潛學授經筵檢討直諫不用避

去教授於吳會開行樞密府為都事張士誠有吳棗謀軍

事士誠就俘從入京特有免預脩元史書成賜歸卒於鳳

凰山河陽里所著有彙白集

王裕字均才江陰人至正間仕國子學錄元末徙於邑次子

和有高行兄以建言戍雲南卒下令勾丁和先後籍其二

常熟縣志

卷之五

四

三百九十九

子以代弟姪

明

張寶字維善金壇人洪武初應科目為咸陽令永樂初自陝之吳娶於邑王氏遂為常熟人

連璞字魯質北平人洪武初徙居常熟少勤學鄉邑文獻多

所記識邑有纂輯璞與張規必與焉

嚴繼字正菴金壇人徙居尚湖清脩篤學正統中以賢良方

正薦辭不行

孔克良字仲良宣聖裔父思進避亂來虞克良贅於河陽錢

氏弟克明貧無依令柳敬中為娶妻築室宣化門外

陸子高初名冠孝長洲人贅於邑孫氏師事宋學士濂洪武

初登進士賜一甲三名及第對策觸忤權奸以冒籍劾奏欲加重典同榜九十八人拜疏願同寵辱太祖義之僅除名追成祖靖難堅臥林壑年至八旬誠子孫以貢士名其墓門人魚侃撰誌銘後二百餘年令耿桐楊鼎熙並表其墓私諡忠隱著天文會象小學習成等集

卒葬珍門涇

談懋字勉之嘉定人父復教來徙贅於梅林徐氏懋志不凡事親孝文詞博雅著刊誤小學註釋孝經

卒葬珍門涇

朱旦字汝明吳江人從父來遊遂家焉方嚴靜默所接皆良士以文詞雅道相麗益其詩多選體

浦大治字君箬無錫人讀書攻詩文好法書名畫及雌彝鼎敦之屬所交多高人父應麟官翰林歿後徙於虞依外家

常熟縣志

卷之五

五

四百四十七

孫氏

周詩字以言崑山人個儻重然諾妙於方藥作內經解其父右與孫艾爲性命交且死囑詩曰常熟可居居必依孫氏詩老且病艾之子未逆歸遂死於孫氏葬之吾谷表曰虛岩山人周君墓

程嘉燧字孟陽休寧人讀書工詩嘗曰學古人詩必知其爲人而後詩可得而學也其志潔其行芳溫柔而敦厚色不淫而怨不亂此古人之爲人而古人之所以爲詩也知古人之所以爲詩然後取其清詞麗句涵咏吟諷深思而自得之久之於意言音節之間往往若與其人遇而後可以言詩蓋嘉燧之詩成而其人已邈然於千載之上矣善畫

山水兼工寫生與酣落筆形神飛動或貽書致幣鄭重請乞摩挲瑟縮經歲不能就一紙錢謙益引爲知己構耦耕堂居之

婁堅字子柔嘉定人經明行脩其師友皆出震川之門儀貶俗學挾摘踳駁具有條理書法妙天下風日晴美筆硯精良方欣然染翰不受迫促與唐叔達程孟陽同寓於虞李流芳字長蘅嘉定人萬曆丙午鄉舉見天下將亂絕意進取性好佳山水於虞山尤數書法規撫東坡畫傲吳仲圭筆法詩在斜川香山之間

歸子慕字季思有光子萬曆辛卯鄉舉屏居江村與梁溪高存之嘉善吳子佳講性命之學往來虞山三人者每凝然

常熟縣志

卷之五

六

四百四十九

靜對有所自得欣然相語吟風弄月之致他人莫喻也其兄子昌世字文休風神散朗善畫墨竹能草書

歸莊字元恭有光孫也善書畫工詩文往來虞山嗜酒落拓所至談笑風生

宋珏字比玉莆田人八分書規撫夏承碑蒼老雄健師事程孟陽因交於錢謙益客死吳門

吳棫字去塵新安人好讀書鼓琴傲易水法製墨遇文人傾囊相贈富翁厚價購之輒大笑不與落魄來遊而死毛子晉葬之

胡復祖字源之新安人讀書負氣謹然諾慎取與從其舅程孟陽遊虞山遂好之弗去種菊千本多異種灌畦之暇觴

咏間作陶然自得也子孫並以醇謹著邑中

張文鉞字以敬新安人性高雅好聚書畫一日有白鶴翔舞止於其庭不去遂顏其堂曰來鶴好事者投贈篇章積成卷帙吳偉業爲之序

顧夢麟字麟士太倉人與楊彝往來虞山精究諸經註疏撰四書說約一變萬曆末剽竊無稽影掠禪宗之學

朱大受字伯可號心在崑山人舉萬曆乙卯鄉試崇禎戊辰成進士仕至湖州知府徙居城南

汪漪字紫瀾休寧人少爲諸生遊學江西晚而遷常熟博學強記尤喜邵子皇極經世書單精三十餘年敷陳演繹於聲音之理卦畫奇偶之數錯綜配合布圖系說極變化之

常熟縣志

卷之五

七

四百四十一

道一歸於自然又著立誠書與通書太極圖說相表裡

周式字右序號澄菴太倉人順治丙戌鄉薦赴金陵適同里孝廉趙自新爲仇陷幾罹大辟式竭力營救乃得生還教諭宿遷忘其官卑祿薄慷慨好施諸生皆興起於道義辛丑登第未仕家徒壁立晏如也子翥遷於虞因巡養焉著綿芝稿若干卷方書數卷翥舉己卯鄉試

周象明字懸著太倉人康熙壬子鄉舉志高行潔門弟子數百人其立教一以聖賢爲的僑寓虞山閉戶著書有七經同異錄性理發微尙論編田賦脩考團溪雜言等書數百卷

嚴弘字公偉餘姚人國初從鎮將楊承祖來虞仕至彝陵總

兵官都督同知

吳道配字浩然休寧人明末避亂來虞嘗被白布袍之市上飲飲輒醉醉輒哭或與談說經義則娓娓不倦人號爲白衣先生錢謙益贈之以詩士大夫咸頌其高節謂是謝臯羽鄭所南之流也

席啓寓字文夏號治齋自洞庭東山來徙官虞衡主事掌山澤採捕厲禁之屬精勤奉職事悉治辦以將母告歸

車駕南巡幸其東山里第啓寓進所雕百家唐詩霽顏收覽焉又校刊陸侍御龍其困勉錄及四書大全行世 子前

席字漢廷號思宋婁庠貢生少事當湖陸龍其熟聞程朱正學父歿喪葬悉遵家禮事母色養備至考授內閣中書

常熟縣志

卷之五

八

三百十八

好施予里中飢疫輒出粟賑濟

王材任字子重號西澗黃岡大宗伯澤弘子也康熙己未進士仕至僉都御史宗伯自金陵來遊樂山水之勝命材任卜居焉閉戶吟咏詩文甚富

張遠字超然侯官人避逆藩之亂來居虞山才名藉甚康熙己卯爲閩省解首

封翁

凡本身成進士登賢書有宦蹟者雖以子孫封贈詳具本傳不列此卷

國家推賢賢之典時庸展親六品而下身有勅四品而下身有誥至父母皆如其官三品而下身有誥父母祖父母皆如其官一品則加曾祖父母如其官封者既膺章服之賜贈者亦備哀榮之典爲臣子者宜何如報稱與

張炯字鑑翁元末父慶之避亂自郡來虞家頗饒親隣有凶禍事多賴以濟每裝絮以衣寒者舂糧以食飢者作樸以殯死者沙溪張某遊燕不歸婦且死乃撫其少子洪延師教之洪遂因其姓洪武末爲靖江王府教授永樂中以薦入文淵閣洪熙初進翰林脩撰遂贈炯如其官

常熟縣志

卷之五

九

三

張士安子信貴封翰林院檢討

錢德字本忠徙居祿園以子衡貴贈吏部主事

魚宗信子侃貴贈刑部郎中

程士通子式貴贈刑部員外郎

呂謙子囧貴贈按察司副使

朱士進號耆軒子驥貴贈御史

孫文敬子紀貴贈刑部郎中

陳宗海子壁貴贈御史

陳世昌子常貴贈刑科給事中

錢宣號恆軒子斯貴封御史

章煥文有隱德常教授他鄉經年歸積白金十二兩見有雉

經於廁者悉出金付之徒手至家婦子相向欣然後以孫律貴贈右副都御史

章珪宣德初以薦授廣東按察司知事擢監察御史適重囚十七人棄市珪監刑訟其冤俱減死論按真定四郡值歲旱奏蠲逋稅六十萬石正統八年參論大臣罷歸直聲震天下四子儀表格律皆貴贈副都御史

褚璵子斯貴贈刑部主事

朱亮明子鉉貴贈御史

程士迪孫宗貴贈副都御史

程景和子宗貴贈副都御史

繆原善子樸貴贈刑部郎中

常熟縣志

卷之五

十

三

湯師德子琛貴贈刑部主事

徐德賢字靜庵博學通春秋以禮法自持隱居不仕張士誠據吳招之不赴後以孫恪貴贈副都御史

徐訥字敏叔博學有高行累世聚居輯古今同居者爲集刻行之又取袁氏世範浦江鄭氏遺範爲家規旦夕男女長幼聚一室飲食晨列堂下鳴鼓述訓警勵之已乃升堂敘揖題於楹曰永遵家訓不聽婦言有田百頃躬鋤僮奴耕耨恤其勞苦未嘗加以笞詈夜大雨水漲壞坊其僕某獨往當缺處以身障之乃呼衆築塞及明訥勞之曰汝有士人之心焉斥田百畝以業之使居有舍不復命以僕隸之役家量出入無二歲歎必捐粟賑貧賓禮賢士常若不及

言動皆有規繩與人語必依於孝弟忠信有萬石君之風

以子恪貴贈副都御史

徐儒子復貴贈獻陵衛經歷

魏伯廣子佑貴贈中書舍人

李通濟敦善勵行時號李佛子以孫傑貴贈禮部侍郎

李希潤字子產隱居北山龐質簡靜子傑既貴絕無驕肆之

氣沒贈禮部侍郎

王綱子昂貴贈刑部郎中

瞿經子俊貴封御史

陳詰字成夫文村人隱居好學家貧無書嘗入書肆耽玩過

目即記時跨黃犢牧於田間挾書朗誦治春秋折衷諸說

常縣縣志

卷之五

士

三百六十八

爲集解平生取舍以義務自韜晦不干流俗之譽所著有

雪崖集子易貴贈推官

周豫鞠馬氏子紹榮爲子紹榮推恩封中書舍人

蕭韶字鳳儀有俊才嘗恨士子溺於訓詁不能綴詞心鄙之

乃著復善齋稿若干卷子奎貴贈工部主事

馬謙子紹榮初繼周氏及陳情復姓封本生父至太常少卿

沈達字伯通子海貴贈刑部主事自海而後子孫五世簪纓

陸侃字懷清子潤貴贈太僕丞

瞿宗大子明貴贈兵部郎中

錢昌字允言性方嚴好禮人皆敬畏之博學工書詩詞溫麗

著未齋集行世子承德貴封御史贈按察司僉事

周澍字石屋子木貴封吏部郎中

王琳字廷玉子宗錫貴贈御史

周滙字行之隱居支川與桑琳兄弟爲詩友其詩清婉有日

漱集子楷官袁川作爲政節要勗之封府同知

馮順子玘貴封御史

聞詩字廷言子釗貴贈大理評事

盧悰字翊貴贈御史

丁愷字以和子仁貴贈行人

錢永錫子仁夫貴贈工部主事

周鳳子滌貴贈刑部主事

時洪子中貴贈工部員外

常縣縣志

卷之五

主

三百六十九

鄒蘭子韶貴封工部主事

蔣綺子欽貴封衛輝府推官賜御史服飾欽杖死監司守令

慰卹者贈遺不絕壽九十六

吳洵子堂貴封蠡縣知縣賜御史服色卒年八十

王韶字鳳儀居南郭外不入城市敦行以率其族倡睦宗會

月一輪集以申勸戒有率教者雖卑幼必進而禮之宅心

平恕不殖貨利鄉黨推重焉

陳克讓子言貴封刑部員外郎贈兵部郎中

陳璇孫察貴贈光祿卿

陳稷子察貴贈光祿卿

朱益子寅貴贈襄陽府同知

張湯民字從禮懋之子邑中治禮記者自湯民始子文麟貴
封刑部主事

湯天麟子繼文貴封兵部主事

王原吉子舜漁貴封工部主事贈按察司僉事

丁森子奉貴贈吏部主事

孫艾字世節考功紀之子也肆力爲文詞沈石田周賞其落
花詩因畫落花卷爲贈與崑山周詩長洲吳寬皇甫冲兄
弟友善鑿虞山陽崖得美泉又剗崖石緣高下結廬以待
遊者篤故舊周窮乏坐是家益貧艾亦不自少貶鄧黷題
其像云開門延千里不羈之客赤手鑿百仞未闢之山自
號西川翁子舟貴封工部主事

常熟縣志

卷之五

主

三百五

夏劬子玉麟貴封刑部主事

王宗讓子評貴封工部主事

錢廷佐子籍貴封御史

陸南字東臯子堂貴封禮部郎中

張安民子文鳳貴封工部主事

沈渭子寅貴封進賢知縣

沈禧子賢貴封兵馬司

范霖字草心文正公裔父旦死獨私與長孫金霖卽分給諸
兄弟又獨營葬具不令諸兄弟知子來貴贈兵部郎中

謝天佑子表貴封太常博士

趙玘子承謙貴贈吏部郎中

施倫字夢雪本姓桑爲會元施顯之孫婿遂襲其姓子雨貴
贈刑部主事

錢學字汝明子兌貴封應天府推官

章沐子榮貴贈單縣知縣

顧湘子玉柱貴封工部郎中

盛恩子資汝貴贈崖州知州

錢鏞字雲澤好禮尙義集里中兒設義塾教之歲曠議蠲罷
其租之未收者還其已收者人多德之子泮貴封慈谿知
縣再封刑部郎中年八十餘有子孫六十餘人

嚴昌曾孫訥貴贈武英殿大學士

嚴衡字慕杏性至孝嘗以父病籲天請代因焚二香於臂以

常熟縣志

卷之五

五

三百五

動神聽癰痕積久不滅兼精醫術孫訥貴贈武英殿大學
士

嚴恪字心萱少嘗投牒爲郡椽旋棄去力田遂掌賦於鄉白
茆港久淤恪輸運至京與鄉民陳宗祥叩闕請濬又以賦
役煩重出所有腴田入官名曰助役田氣槩軒舉襟度濶
達究心於民瘼時務撫按多咨訪焉子訥貴累封光祿大
夫太子太保吏部尙書武英殿大學士

沈虞子應魁貴贈禮部主事

瞿珩孫景淳貴贈禮部左侍郎兼翰林學士

瞿國賢字古村子景淳貴累贈禮部左侍郎兼翰林學士

王宓子汝舟貴贈武學教授

宋懋中字翠巖永嘉教諭子奎光馳封龍川知縣

顧胤子炳貴贈工部主事

陳策子贊貴封太常少卿

徐鯤字拙隱創立徐市孫斌貴贈兵部侍郎兼僉都御史

徐天民字思隱子斌貴累贈兵部侍郎兼僉都御史

徐尚德棧之子字禹江子昌祚恩馳贈刑部郎中

徐懋德字虹江尚德之從兄嗣二待聘貴贈上虞知縣

徐樹德子待聘貴贈嗣父復封本生父

鄒齡子察貴封信陽知縣

錢表子之選貴封兵部主事

殷璽子濡貴贈雷州同知

常熟縣志

卷之五

五

三百六

何墨字南池叔立何市子鈞貴贈平陽知縣

葛覃子邦典貴封工部主事

王魯字質夫官晉寧州同知子嘉定貴封工部主事贈按察

司僉事

沈學字怡隱居支塘子應科貴贈兵部員外郎

章嗣達子有成貴封瑞安知縣

錢體仁字長卿少孤能自淬礪博通經史不苟然諾二子成

進士益敦本睦族賑給貧乏子順德官比部郵書訓誡謂

我家清白相傳須廉潔自守盤費缺少家中當接濟也所

著有虛憲手鏡封刑部主事曾孫謙益貴累贈官保

蔣世卿子以忠貴封長樂知縣贈廣平知府

黃中字劍泉子門貴封南雄知府

錢亨字龍江家居織甯米鹽蔬政膏晝夜忙忙藉記不漏銖

兩然至扶危周急飯飢櫬死卽傾囷橐弗恤也子岱貴封

御史

蕭任子應宮貴贈刑部郎中

衛文臣子勲貴封中書舍人

袁端子應陽貴贈兵部主事

錢受徵子達道貴封霸州知州

黃祖相子時雨貴封惠州知府

陳憲近之子以子國華貴贈刑部郎中

顧江孫雲程貴贈太常寺卿

常熟縣志

卷之五

六

三百七

顧早字怡東孝弟力田富而好行其德子雲程貴贈太常寺卿

陸曜字畢泉子枝貴贈壽陵知州

王萬齡子之麟貴贈廣信知府

顧汝成子雲鳳貴贈潼川知州

袁錫類子光字貴封烏程知縣

孫忠子文龍貴封承天知府

翁拱極字敬夫號石崖篤志力學父歿後頗有糧役之累懼

傷母心乃隱詘以爲羸隱弱以爲強母或不怡輒跪而請

曰有兒在豈以尸褻貽母憂耶有五丈夫子躬督課之兩

成進士兩舉於鄉一爲名諸生初贈鄞縣知縣又贈禮科

給事中後曾孫叔元貴累贈光祿大夫刑部尚書

陸忱子楨貴封金吾衛經歷

沈敬止子從本貴封中書舍人

王維城子良臣貴贈刑部郎中

錢世揚字景行性明敏年十三卽能闇記五經史記文選數

萬言好談古今忠節奇偉事每稱述楊忠愍海忠介諸公

爵齒奮臂欲出其間嘗戒子謙益必報國恩以三不朽自

勵毋以三不幸自徂所著有古史談苑等書贈宮保尚書

陸南英字賢山仇爽負氣特嚴取與居恆手不釋卷嘗引正

嘉問以論說題曰楞叟叢談著松韻齋詩藁子化淳

貴贈贛州知府再以子化熙貴贈按察司副使

常熟縣志

卷之五

七

三百六

孫林字芝房自幼能文章踔厲風發又得顧端文趙文毅爲

之師名聲藉甚以貢爲高郵訓導未幾歸斥園圃蒔花藥

優游詩酒子朝肅朝讓皆進士官俱至方伯馳封臬使制

詞有介氣秋高時情春藹之句

趙祖美字叔度文毅公次子以子士履貴贈工部員外郎

龔復澄子立本貴贈崇德知縣

陳廷讚子調元貴贈工部郎中

陸重科字養質遊覺序輒高其門令容駟馬建廳事柱生玉

芝焉子問禮貴贈廣東左布政

戴文瑞子元威貴贈臨淄知縣

許儁子士柔貴贈右中允

王嘉定字毅菴少有壯志家貧常不舉火有遺之粟堅忍

不受既粗有生產復墓田贍軍族卹孀周乏推解不懈子

夢鼎貴贈都察院司務

陳希堯字太室倜儻好施三黨靡不受推解未嘗伐善干譽

子必謙貴贈通政司叅議

歸學周字道濂忠誠篤敬著四書人物考子紹隆貴贈兵部

員外郎

程鋌字中吳子玉潤貴贈奉直大夫

馬兆聖字無競天性孝友雖家貧菽水奉養能得親心歡其

弟早沒母曰弟之子猶子也其餬口成立唯汝於是泣拜

受命撫育教養終身如一日每念母言淚數數下也少善

常熟縣志

卷之五

八

四百一

病遂精醫理遇瘟疫虐痢破產施藥親族之家貧不能嫁

娶殯葬者伙助惟恐後子夢桂前癸未進士鄞縣知縣廷

桂順治丙戌舉人孫尹康熙丙戌進士

陸柱子泰啓馳贈徵仕郎

張一陽杭州通判子仲孝馳贈承德郎

歸德明字升之少失怙兄爲仇家所誣德明急其訟七日夜

髮盡白母病足瘍而歿每自捫其足淚汪汪下也與外家

陳氏隣居陳故多蓋藏有恙之者謝曰吾獨愧蘇子瞻紗

縠巷時乎會有他人發其害事覺人始信其無染平生爲

德於鄉里緩急倚爲司命焉子起先成進士孫允肅狀元

及第

蘇希軾字蛟峯宅心仁厚爲德於鄉里舉鄉飲賓子祖蔭順

治壬辰進士戶部副郎孫翔鳳康熙壬戌進士沂水令

翁毓芳字子繼少失怙而家難作伯氏出公毓芳時時號泣膝下母意乃解召還伯氏未幾長姊獄起伯氏復匿他所毓芳侍寢膳未嘗頃刻離獄方急戒左右不以聞陰售其所有爲伯氏費事平不以告伯氏也生平孜孜爲善會大疫巷死者相枕藉乃棄所居屋得八百金書其上曰非施棺而動錙銖者疫及之有江西士人被盜僵臥雪中毓芳盡除已所服棉衣衣之僅存單袷歸某氏女鬻人爲婢毓芳知爲名家子贖出擇婿而嫁之年三十四遽卒子叔元貴累贈光祿大夫刑部尙書

常熟縣志

卷之五

尤

四百七十三

錢尙賓字衡門孫朝鼎貴贈鴻臚卿

錢永達字益之家故貧服賈養親及母柩在堂不戒於火伏柩號哭誓身與俱焚須臾天爲反風而火滅嘗代宗人徭役曰某弟貧役彼寧役我也質遷化居從荆襄載米歸值大澇斗粟千錢飢死者相枕藉永達倡同舟散所糴折閱而還客南陽白洋漲溢溺死者絳菱蔓又倡同舟捐金買棺裹鬲而葬之者無算客淮上同舍生病革以千金橐屬永達卒反其柩與金手蹟封識宛然子朝鼎貴贈大鴻臚錢裔忠字嗣懿副使時俊之子席蔭高華而澹泊自守出詞氣惟恐傷人子祖壽貴贈戶部員外郎

邵梁字公輿自少好學稍長據臯比爲人師所獲束脩羊悉

備甘旨娛親父歿家益落喪葬盡禮人以爲死孝子燈貴

封刑部主事贈按察司僉事

陸尊禮字季恭兩兄早掇巍科膺撫任而拘謹好禮曲體親心左右就養迨父歿獨肩大事族黨無間言次兄開府南贛卒尊禮經紀其喪撫兩孤成立敦睦姻族賑濟乏絕不惜傾囊指囷捐施齋田於山峯僧衆賴之子輅馳贈恩縣知縣

王見龍孫澧貴贈刑部員外郎弟瑞龍澧之嗣祖亦馳贈刑部員外郎

陸廷祉字禹舟少爲諸生鼎革後棄去不試性強毅特立獨行家世貴盛諸父方躋臚仕顧耻以勢力自炫曰丈夫自

常熟縣志

卷之五

三

四百七十九

立耳軍庇是赫赫者爲已而諸父歿藏獲或叛其嗣人則奮身窮治之至構禍不悔也平生自矜重不少屈於人族黨有事多衷之每片言而決人憚其剛方不可奪有閩王之號翁尙書叔元作閩王說贈之子士炳貴贈通江知縣錢裔文子延宅貴封御史

周士弘子慶曾貴贈翰林編脩

翁拱辰孫長庸馳贈布政司叅政

翁萬春子長庸馳贈布政司叅政

朱紹曾子允治貴封光州知州

王慶臣嗣子履昌貴封南漳知縣

朱鴻基子元洽貴贈蒲縣知縣

蔣名世字抱奇邑庠生鄉飲大賓子荼孫伊曾孫陳錫俱貴
累贈光祿大夫山東巡撫右副都御史

翁晉子與之貴贈澄海知縣

陶世澤子元淳貴贈昌化知縣

許豐字欽是事父庠生岐至孝遭凶祔潛以衣飾易粟供朝夕而私啖粗糲且每食不飽或計無所出含淚嗚咽者移時子穀見之則曰勿令爾祖知手鈔六經課子子穀貴封翰林院庶吉士

汪錫爵仕爲新都令子繹狀元及第贈翰林院脩撰

瞿昌文明中丞式耜之孫式耜殉節昌文從刀途血路中收骨還葬子孝春貴贈餘干知縣

常熟縣志

卷之五

主

四百八

趙士橫子再恩貴贈饒州通判

孫枝芳子廷璋貴贈什邡知縣

瞿人龍字公簡幼而失怙孝友無間明季遊江淮適瓜步戒嚴禁行舟無出京口衆或賄守者偷渡人龍曰不可儒者不欺暗室矧當此要津而私越冒渡乎我不爲也未幾江風暴發偷渡者舟覆盡葬魚腹諸從其言者不啻更生並服其保身之哲焉子亮邦貴封萬泉知縣

錢光劍子春明貴贈南樂知縣

嚴熊字武伯小司馬斌之子明末遭亂折節讀書錢牧齋序其詩謂詞氣樸直披華落實自有一種不可磨滅之氣居恆自比羅隱人謂其絕類徐文長子虞惇丁丑及第今任

通政司叅議侯贈

歸煥字蔚軒性沉靜寡營手不釋卷讀經有經疑讀史有史測家藏震川集爲錢謙益校定與坊本少異飢驅出門必携置笈中未嘗去左右子鴻進士任西華令侯封

張逢源字滔之忠信醇篤與人交纖毫不苟或遇橫逆之來澹然順受而已親某氏孀居族人利其改嫁被以汚名氏羞忿將自盡逢源代爲剖白卒全名節子廷標進士任舒城令侯贈

王弈棠子守烈貴封司經局正字

葉琪枝子文昌任宜城令侯贈

張夢鶴字聲九幼失怙事祖母劉母楊色養無違嘗依其舅

常熟縣志

卷之五

主

三百八十四

氏海濱母方病臥盜劫舅氏縱火焚其廬屋後瀕河非舟楫不渡時愴惶負祖母及母渡河俱獲免人以爲神助云子瀾官蒲城令贈文林郎

孫泰國子峻急公例贈宣議郎

沈萬育性至孝七歲失怙哀毀如成人繪父像朝夕瞻拜上食奉之如未亾也母歿廬墓預爲已墳於旁曰不忍離親側也樂善好施建湖橋設義塚西林拂水皆施飯僧田壽至九十二子錫祐爲廣文封儒林郎

虞國忠子中樞急公例贈儒林郎

陳星子方春急公例贈儒林郎

許翼心子炳任夔州通判侯封

陸天祚字受祉子彪任興安令侯贈

魏龍光字孝章子士升任秦安令侯贈

杜芬邑諸生子遇春任潮州守備贈明威將軍

陸廷祐字崇侯子于鍾任崖州遊擊贈明威將軍

王武昌子良璧鳳陽衛千總贈明威將軍

李臨辛卯孝廉有傳子國華任通州千總贈武德將軍

常熟縣志

卷之五

圭

一百十五

任子

古者有世祿無世爵使必以德爵必以功後世無世祿之田而任子之法居卑居貧不成乎其爲爵也亦猶世祿之意云爾詩云不顯亦世其亦有世篤忠貞者乎

宋

陳字號伯愛初以父臺簿遺澤爲莆田尉得劇賊格當受賞字愀然曰吾何可藉人命爲自進之階卒辭之調紹興司法隆興中知富陽縣分差鎮江糧料院知湖州提轄行在權貨務知房州歸卒平生孝友居母喪鬚髮盡白撫愛諸弟每食必同席俸祿未嘗入私室

富嘉謀字君美弼裔孫居常熟以祖澤仕至淮東運判知和

常熟縣志

卷之五

圭

一百十六

州

丘耒字少潛以於潛簿慶元錄事參淮東餉幹知嘉興起學宮築捍海堤二十里代民輸積欠租廷臣咸薦監三省樞密院門遷將作監丞終朝奉大夫子烈廕奉直大夫

丘稼字耕道穡字成道稷字相道並以祖岳廕承務郎

丘璋字仲特琛字叔獻璧字德文並以父礪廕朝奉大夫

元

徐士垚朝奉大夫秘書少監封東海郡伯

徐謙以父垚廕任威茂州安撫司同知

明

程嵩字希仁以父式廕任延平府同知